


中國佛寺志叢刊

趙樣初





清·厲鶚撰

雲林寺志

廣陵書社

云林寺志

《云林寺志》八卷。清厉鹗撰，光绪年间钱塘丁氏嘉惠堂刊本。

厉鹗，字太鸿，号樊榭，曾任钱塘县候选知县，著有《辽史拾遗》等。

《云林寺》，即灵隐寺，位于浙江杭州西湖西北灵隐山麓（详见《灵隐寺志》）。康熙二十八年（1689），清帝康熙驾幸灵隐寺，御书“云林”二字，赐名“云林寺”。康熙凡四次驾幸灵隐寺，每次都题字咏诗，所留极多。

孙治、徐增所修《灵隐寺志》，成书于康熙十年，在康熙赐名之前。厉鹗以其志脱漏甚多，且灵隐寺已改名为云林寺，不宜再用旧名，故在孙、徐《灵隐寺志》基础上，重又增修，于乾隆九年成《云林寺志》八卷。卷一宸恩，乃详述康熙四次驾幸云林寺的题咏，及雍正、乾隆所赐；卷二山水，卷三禅祖，卷四法语，卷五檀越、人物，卷六艺文，卷七诗文，卷八杂纪。皆是在《灵隐寺志》基础上增补而成，所增补内容亦偏重于康熙至乾隆年初事，体例亦沿袭前志。然厉氏博闻强记，对于孙、徐《灵隐寺志》脱漏之处增补极多，因此，内容更为完备。

光緒戊子仲秋

雲林寺志

永康應寶時

永香个臣

嘉嘉堂葉

增修雲林寺志序

靈隱爲吾浙首刹前此之有志也始自昌黎自珩子佩氏近則仁和孫治宇台氏吳門徐增子能氏相繼重修

聖祖仁皇帝省方南幸駐蹕山中

御書雲林二字爲額則在徐氏癸卯輟簡之後

天文煥爛佛日重光曷可無紀前志雖三屬草脫漏尙多曷可無述茲幸巨濤和尚爲主席苦行宏願信於檀施舉七十餘年之士溼木腐者一旦聿新旣落成從事於志請於予予郡人也素耽林壑留意西山之

勝也久何敢辭又得同學張君曦亮爲攸助謹撰次
前志所未備者勒成八卷門類則仍舊焉書成題曰
增修雲林寺志其有缺略以俟後之君子

乾隆九年春二月既望樊榭居士厲鶚書於雲林之
面壁軒

欽定四庫全書提要

增修雲林寺志八卷

浙江巡撫採進本

國朝厲鶚撰鶚有遼史拾遺已著錄是編成於乾隆甲子以靈隱舊志脫漏尙多且

聖祖仁皇帝省方南幸駐蹕山中

賜名雲林寺不宜仍用舊名故因前志而增輯之首紀

宸恩次山水次禪祖次法語次壇越人物次藝文詩詠而以遺事雜記終焉

增修雲林寺志卷一

錢塘縣舉人候選知縣

臣厲鶚

仁和縣生員

臣張燾恭紀

本山住持臣僧義果

宸恩

康熙二十八年

聖祖仁皇帝南巡

駕幸靈隱寺

御製飛來峰詩一首

巖岫峻嶒洞壑奇懸藤古木半迷離冷泉亭子清溪

上誰識源頭混混時

御製靈隱寺詩一首

靈山舍秀色鶯嶺起嵯峨梵宇盤空出香雲繞地多
開襟對層碧下馬撫烟蘿羽衛閒來往非同問法過

又

親灑宸翰書雲林二字

賜名雲林寺三十八年

聖駕再幸雲林

賜金佛一尊香金五百兩及

御書禪門法紀額又

御題一聯云

禪心澄水月

法鼓聚魚龍

御製雲林寺詩一首

無爲幾事少問俗駐林邱衛騎森嚴滅爐烟黶黶浮
鳥蹏香界古花綴梵筵幽野徑春風引輕鋪細草柔
御製靈鷲詩一首

何處飛來一塊石嵌空巖竇作玲瓏下臨巨澗淙淙
冷上蔭長松謾謾風

四十一年

聖駕再幸

賜御書金剛經一卷心經一卷

御製再過鷺峰詩一首

愛此清幽一徑深
馬隨泉響入雲林
蒼苔古洞何年鑿
脈脈韶光自賞心

四十四年

聖駕再幸雲林

賜住持臣僧慧輅

御書金扇一柄石硯一方四十六年再

幸又

賜人參二斤香金四十兩

雍正十一年六月初二日

世宗憲皇帝恩頒帑金五百兩齋僧二千眾監其事者
爲嚴州府知府臣蔣林

本寺無田惟有山地三十六頃有奇歲課無辦雍正
正六年前住持臣僧智廣將寺內殿基圍場地一
頃十四畝上山四十一畝歲該條漕銀六兩八錢
零并寺戶攤加鄉丁銀一十二兩零漕米五石五
斗零漕截銀一兩四錢零星懇督臣李批准

今上皇帝乾隆元年督臣嵇題准豁免乾隆二年

前任持

臣

僧明覺復將寺外官路并飛來峰亭基

共徵地四十四畝零土山六十二畝零石山八十

六畝零歲該條漕銀三兩七錢漕米二石四斗零

漕截銀六錢續懇督臣嵇

題免二次奉免之外

尙存徵地三十八畝零土山七頃二十四畝零中

山二十四頃零石山一十四畝零水蕩二畝零歲

該條漕截并徵銀三十六兩八錢漕米一十七石

零今住持

臣

僧義果監院

臣

僧德球德語于乾隆

四年呈懇前撫

臣

盧具

題欽奉

恩旨准於乾隆四年爲始通數全免勒碑以垂永久

雲林寺志卷一終